

B. N. C.
FIRENZE
1063
15



Misc. 1063. 15

XXVI

FEB



THE
P. A. E. L. A.
S. V. E. L. A.
C. H. I. C. A. G. O.
C. H. I. C. A. G. O.



1063.15

OCTAVII FERRARII
PALLAS
 S V E C I C A.

PANEGYRICVS
CHRISTINÆ

Gothorum, Vandalorum, ac Sueco-
 rum Reginae Imperium auspi-
 canti Dictus.

EDITIO TERTIA.

1063
 15



PATAVII, MDCLI.

Typis P. Frambotti Bibliop. Sup. permiff.



OCTAVI FERREAR
PALLAS
S V E C I A
PANEGRYFVS
CHRISTINE

Vol. 1. Vindobonae, 1784.
1000. 1000. 1000.
1000. 1000. 1000.

1000. 1000. 1000.

1000. 1000. 1000.

11

3

PANEGYRICVS:



I apud te, Deorum, hominum-
que consensu Imperij Insignia,
totque Regnorum, ac prouin-
ciarum sceptrā capessentem, at-
que in summo rerum fastigio, omni ma-
gnæ fortunæ paratu circumdatam, de Te
AVGVSTA, verba facere auderem, ma-
gnitudinem tuam, & ignorare, & viola-
re viderer; quod tua, ac parentis decora,
fatigatis omnium gentium ingenijs, atq;
linguis, homo peregrinus exequi, nec ri-
tè iniatus tractare hæc sacra non dubita-
rem. Quis enim ad tantæ Maiestatis ful-
gorem, speciemque Regibus ipsis veren-
dam, fronteque, & oculis diuinitatis lu-
men erumpens, animo non consterne-
tur, & concidat, & strepente bellico car-
mine, quod vterque Orbis audit, trepi-

clus, ac circumspectans, non malit gratulantium turbę immixtus tacita gaudia peragere, quam in ipso conatu deficere, ac ludibrium debere? Sed cum vno eodemque tempore singulari exemplo tam Regnorum quam Literarum regimen capeffas, nec tam auro gemmisque, quam inter victrices lauros serpente hedera, Regium capitis insigne irradiet, atque vna subiectostibi tot populos, & confugientes in sinum tuum ex toto Orbe artes, ac disciplinas sub Imperium accipias: cum spes, & ratio studiorum in te vna sit, solaque tristes Camęnas hac tempestate respereris, ingrati profectò essemus, ne dicam impij, quicumq; literarum nomine censemur, si tuam hanc singularem sapientiam, ingenij, ac literarum cultum, quantumcumque humana mens concipere potest, diuinam præterea in doctos viros propensionem, ac liberalitatem sil-

len-

lento inuolueremus.

Et quamuis hoc ipso Musarum patrocínio, circa te flos Literatorum hac tempestate conspiciatur, ac celeberrima ingenia ex toto Orbe contracta tibi vni insudent, laudumque tuarum materiem prodant, nobis tamen in arcto gloriæ tuæ fauentibus, si non laudem, certè veniam, fore speramus, si ab vltima Italia per tantum maris, ac terrarum, transmittere isthuc vota, & publicis præconijs inserere obscuritatem nostram, cygnisque suauissimè canentibus interstrepere audemus. Nouum enim hoc Sidus, quod caliganti seculo studijs ac disciplinis propè inter mortuis affulsit, ingenia, aut ipsa desperatione torpentia, aut inscitiae, atque ignauiae seruire coacta, asseruit, & erexit, vt qui Latinas literas ex ipso Latio profugas, & sub inhospito quondam cœlo non iam peregrinantes, sed in ipsa Regni pe-

netralia admissas , atque in animi tui Sac-
crarium acceptas , comitari non possunt,
faustis ominibus , ac precationibus pro-
sequantur. Ita volentibus fatis , vt quæ
gens reliquas gentes recentibus adhuc
trophæis , armorum gloria toties superaf-
set, eadem , Te auspice , vindicatarum
ab interitu literarum decus ferret, belli-
que , ac pacis sequestra duraturum seculis
nomen daret , & acciperet.

In quo quidem sapientiæ tuæ , ac con-
siliij vim propè diuinam numquam satis
commendare possumus , quæ maximis
bellis exhaustis , non Regno modo tuo ,
sed toti penè Europæ reddita pace , ac li-
bertate , alterum isthic veluti literarum
Regnum ponere , artesque , ac disciplinas
in nouam coloniam transcribere omni
ope ad laboras , Martisque manubias Mu-
sis consecras , non ingenij modo sponte
in earum cultum effusa , sed quod præcla-
re

re intelligas, tot fortia facta maiorum in
cere in tenebris, nisi literarum lumine
accendantur: nec ad populorum modo
decus, sed incolumitatem pertinere, si
gens belli studijs asperrima, vnaque to-
ties deuictus Orbis, beneficio literarum
intelligat, quibus artibus Imperium istud
ex paruo maximum factum sit.

Gothorum quidem, & Vandalorum,
quorum tibi regimen Dij dederunt, res
gestæ non admirationem modo, sed hu-
manam quoque fidem exsuperant. Tro-
phæa toto Orbe excitata, septemque col-
libus, atque ipsi demum Capitolio impo-
sita, gentemque vnam Principi terrarum
populo non suffecisse modo tot seculis,
sed mutuis cladibus nobilitatam, demum
de gentium omnium victore triumphas-
se vix audet credere posteritas. Gothos
inquam, siue vetustiore vocabulo Getas,
quos, ut grauissimi Scriptores prodiderunt,

neque laceſſendos bello, neque tentan-
dos Alexander dixerit, Pyrrhus exhor-
ruerit, Cæſar conſultò declinauerit, to-
ties immenſis viribus Romanis prouincijs
ſuperfuſos, Thraciam, Illyricum, Mace-
doniam populatos, aut cladem, aut ma-
ximum ſemper terrorem, vltimumque
diſcrimen Romano nomini intuliſſe,
Tot Conſulares, tot Principes interfe-
ctos, plures prope exercitus, quam legio-
nes deletas, victrices Aquilas non ſemel
fugatas, eoſdem auro ſæpius, quam ferro,
Romano ſolo ſubmotos, albentes of-
ſibus campos, infecta victorijs maria, al-
tos magnarum Urbium cineres, rapta ab
Orbis prædonibus ſpolia, laborat ſimul
Annalium fides dum prodit, & minora
vero comperiuntur. Quis enim adeo in
vetere memoria peregrinatur, vt ignoret,
gentem hanc ab Auguſto, Orbis, ac pa-
triæ victore decem legionibus oppugna-
tam

tam, verius quam victam, vt sola super-
bum illum, pace terra marique parti-
clausi Ianitulum obscurauerit. Nam
paucos post annos, nobiliori Dacorum
nomine Romanos fines ingressi, Oppi-
um Sabinum cum toto exercitu interfe-
cerunt: mox à Cornelio Fusco ægrè re-
pressi, qui tamen vulturibus Dacis lani-
anda viscera præbuit: vt Traianus ipse di-
gnus Romana magnitudine, dignus Da-
cis hostibus Imperator, tam longa expe-
ditione, totque laboribus, ante vitæ,
quam belli finem inueniret. Quis enim
ynquam victos dicere ausit, qui à Cara-
calla tentati, ab Gordiano submoti, non
multo post trecenta mortalium millia in
solum Romanum, veluti dilutio irue-
runt, vt ædio, ac desperatione contabe-
sceret Philippus, Decius cladem, ac de-
decus dissimulare cogeretur. Æternũ
Romani nominis labes, ac macula, ipsi
for-

fortunæ numquam indulgendo defatigata erubescenda. Actum erat de tanta Imperij mole, Dijs ipsi invidenda, nisi Gallus, & Galli filius iniquissimis conditionibus, non diu duraturam pacem mercati essent. Nam Gallieno per libidines pessundato, non iam Thracia, aut Illyrico, sed tota minore Asia persuastata, Claudij virtute, tot victoriarum torrens veluti obice repressus est, ut humanarum rerum vicissitudine gens, cuius terrore toties Romanum culmen nutauerat, patrio solo extorris, ac profuga, incertis sedibus ageretur. Nam dum totis Regni viribus alieno Imperio imminet, armaque, & fortunam Quiritium fatigant, res suas amittere, irrumpentibus in vacuas sedes Hunnis, ut quod olim gloriæ cupido, & succrescentis in immensum sobolis multitudo, novas sedes quærere suadebat, nunc patrij soli glebæque egestas

itas, alienas terras sibi prospicere cogeret:
cumque sibi viam ferro, ut alias facere
possent, quod recenter Christianis sacris
imbuti essent, maluerunt precariò obti-
nere, quod olim à gladio impetrauerant.
Ita à Valente in nouas sedes inducti, aua-
ritia, ac fraude legatorum, diutius Princi-
pis beneficio frui non potuerunt, indi-
gnisque modis vexati circumspicere vires
suas cœperunt, quodque iure tueri veta-
bantur, memorabili victoria, ipso Valen-
te cum totis copijs contrucidato, tenuerunt.
Fuit deinde sub Theodosio siue
pax, siue induciæ, ut demum occulta lege
fatorum terrarum victrix, rerumque do-
mina Vrbs, vtrumque Solem Imperio
complexa, capta, ac direpta, rerum hu-
manarum spectaculum pæberet. Siqui-
dem sub Theodosio gens bello inuicta
non fidam modo pacem diu præstitit, sed
longo Sacramento imbuta, ipsique Ro-
manæ

thanae magnitudini immixta, Romanis
ducibus egregie Imperium tutata est, do-
nec Theodosio extincto, ac lacerato Impe-
rio, ipsorum ducum scelere, ac perfidia,
qui rerum nouarum cupidine turbare,
cuncta, ac miscere nihil pensi habebant,
vltro ad prædam, vastasque spes, & in-
auctores casura discrimina sollicitaretur.

Ita creato Alarico Rege, quo duce Ro-
manæ gentis exitium fata moliebantur,
adiectis sub Rhadagaso ducentis mortali-
um millibus, diuerso incessu Italiam ag-
gressi, subistere paulum, Rhadagaso ve-
luti indagine cincto, & quia ferro non
poterat, fame absumpto. Cum Roma in
manibus esset, Alaricus ingentis animi
vir, & fraudis nescius, maluit Stiliconis
perfidiam Cafari aperire, quam dolo
vincere, atque incredibili generositàte
imperium Honorio confirmare, quam
habere. Ita impetratis in Gallia genti suæ
sedem

sedibus, reducto exercitu, pacato agmine abibat, non hostium modo, sed iræ, ac cupiditatis victor, donec nouo Stiliconis scelere læsa patientia in furorem vertetur, daretque interim pietatis, ac religionis exemplum, quod posteritas omnis admiraretur, nisi quæ non crederet. In abeuntes missus militum globus, admixta ludæorum colluie, non extremum modo agmen carpunt, sed iam metantibus castra inuæcti, cuncta cædibus miscent. Forte ea dies Christo Domino sacra festo ritu celebrabatur, gensque non in ostentationem pia, operum immunis feriabatur, discinctaque, & aris circumfusa sacris intererat, & cum maxime pro hostibus suis preces funderet, nihil mali metuens, repentina inuasionem, gladijs iugulo hærentidus, non illicò in aggressores ferrum expedit, sed cunctabatur; quod nefas esse duceret, festa, sacraque
luce

luce humanum sanguinem fundere, cæ-
dibus gaudere, donec hostilis rabies in-
tempestivæ pietatis consultationem discu-
teret. Ita ad arma consternati ruptores
fœderum, omnisque humani ac diuini
iuris violatores infortunio mactant, De-
umque testati, cuius ferix, atquæ altaria
ad scelus impijs placuissent, ad satietatem
perfidix poenas expetunt, iraque ac cæde
calentes infestum agmen vertunt, ac reli-
quas copias fundunt, fugantque, nec
multo post Urbem Imperij Deumque se-
dem occupant, Arcemque illam cunctis
gentibus adoratam, quam incensa Vrbe
capere Galli non potuerant, tot cæsis exer-
citibus spectare Annibal timuerat, inua-
dunt, vna in arce toto orbe debellato.

Tantam Hercules victoriam sola pieta-
te promeriti, alterum mox religionis
exemplum edituri, plus admirationis
apud posteros habiturum, quam fidei.

Quis

Quis enim Urbem æternam à Gothis captam dicere ausit, in quam nullum captivitatis exemplum editum est? Torpet hic mens tantarum rerum contemplatione obruta, nec satis verba expedit, quoties Regis Alarici edicta cogitat, quibus ante Urbis ingressum milites vetuit vim liberis corporibus afferre, capitis pœnam interminatus, si quis eum qui ad templum Principis Apostolorum, aut Basilicas martyrum confugisset, cæderet, aut templum ipsa violaret. Quibus edictis nihil sanctius, nihil diuinius tota vetustas habuit: in quibus celebrandis viri sanctissimi facundiam, atque admirationem consumpsere, Et hos quisquam barbaros appellabit? Conferat nunc, si cui animus est, non dico aliarum Urbium funera, ac dici fati exempla, quæ ætas nostra videt, quas velut concesso barbaræ feritatis iure, nemo captas credit, nisi sexus omnis, omnis ætas infanda

infanda patiatur, nisi stupris cædes, cædi-
bus incendia misceantur. Hoc belli ius
inter Christianos appellatur. Sed confe-
rat cum hoc factio ipsam Urbem auorum
memoria, non à Scythis, aut Massagetis
expugnatam, animoque subiiciat, quæ-
cumque talis fortuna recipit, quæcumque
victrix libido, atque immanitas imperat:
cæsos ante ora patrum liberos, aut aliquid
morte grauius passos spectantibus maritis,
ferre nurus coactas, quæ victoribus colli-
buisent, omnia postremo, quæ mens
cogitare horret, & nos dicere tuto non
possumus. Exigua tamen malorum pars,
ac minima clades visa est, præut quo pa-
cto, veluti indicto superis bello, ipsaque
sacrorum Maiestate captiua, nullæ sim-
plices cædes furiis illis placuere, nisi Sacer-
dotibus ad suas aras victimarum more
mactatis, altus cruor rorantia Numinum
ora, altariaque, & templa inundasset:
nullæ



nullæ pudoris, aut naturæ iniuriæ, nisi
in ipsis puluinaribus totæ Deorum ocu-
lis ingestæ: nullæ rapinæ, nisi queis Sa-
cra legerentur, Diuorum patrimonio, &
penetralibus egesto: nulla incendia, nisi
quæ ex aris accensa, aurata strabes depa-
sta, cæsos Pontifices funerarent: nullæ,
nisi templorum ruinæ, quibus flagitia
tumularentur, & Numina: nulla de-
mum, nisi Sacrorum solitudo, populis,
Superisque fugatis. Gothorum Rex, in
ipsa Sacrorum sede parci Templis iubet,
atque Vrbi quæ in Templo confugerat,
milites (vt scias totius gentis, non vnus
hominis eam laudem fuisse.) non par-
cunt modò, sed sponte obuios, quos vel
casus, vel stupor, vel pereuntis patriæ su-
premus aspectus tardauerat, in Templo
inducunt, saluosque esse cogunt, vel in-
uitos.

Sed nimix fortassis audaciæ est ista.

B

per-

percenſere, in quibus celebrandis maximum illud Chriſtiani nominis lumen, & ſanctioris ſapientię decus ſummum deſudauit, atque ab hoc memorando facinore Dei ciuitatem auſpicatus eſt, imò propter hoc, vt illud quoque Gothis deberemus. Penè tanti fuit Romam perire, vt alia cœleſtis ciuitas ab ſacrorum ingeniorum Principe conderetur. Nemo eos libros ſine quodam horrore, ac ueneratione Gothici nominis legit, quibus Patrum ille grauiffimus multo acumine, ac literarum amœnitate, hoc pietatis exemplum, cui comparari non poſſit aliud, concelebrat, negatque tot bellis, quæ a primordio Orbem totum exercuerunt, aliquam Urbem vnquam expugnatam, vt hoſtes parcerent ijs, qui ſe Deorum fidem commiſſent, ſpemque ſalutis Templorum tutelæ mandaſſent, Romanosque ipſos Urbium euerſores, religio-

ligionis alioqui, prout dominationi expediret, tenacissimos, vllis vñquam Sacris, aut Templis hostilem furorem abstinuisse. Quare iure dubitari potest, plusne Gothi tui bellica virtute, an vera religione præstiterint, vtraque Romanos superarunt, vltima seipso quoque vicerant, quamq; sancta, & inuiolabilis Templorum maiestas sit, primi documentum dedere, fortasse & postremi.

Hæc gentis tuæ decora, quoniam is exorsus est Orationis meæ, Annalibus condita, quæ aut noscitantur posteris, aut grata commemoratione recolerentur, nisi fida literarum memoria custodirentur? Et fortasse maiora etiam fuerunt, quæ fama feruntur, futura vtique clariora, si parem rebus scriptorem nacta essent: sed haud magna olim apud vos ingenia pro- uenerunt, cum optimus quisque laudanda facere, quam scribere, sua ab alijs benefici.

nefacta celebrari, quam ipse aliorum
narrare mallet. Ita quod penè singulare
in glorię præmijs arbitror, res vestræ ab
ipsis hostibus bona fide celebrate sunt,
qui dum clades suas Annalibus inserunt,
simul virtutem vestram, ac fortia facta
commendant. Deinceps auspicijs tuis,
AVGVSTA, bene facere Reipublicæ,
& bene dicere pulchrum erit: magna in-
genia æternitati excolentur, scriptores, &
auctores rerum gloria penè par sequetur,
Suecica virtus non ab exteris tantum me-
morabitur, sed domesticis præconijs in-
clarefcet, vt iam historici vestri laudem
fœnerare possint, atque ipsos hostes, cum
libuerit, celebrare.

Sed vtcumq; magna ingenia in hanc
spem adolefcant, parati in secula scripto-
res, & dati, immortales animæ egregijs
factis æternitatem spondeant, in hoc
omnis facundia defudet: nemo tamen

vel

vel disertissimus, post centum & quadraginta octo Regum seriem, vel vnum Parentem tuum equare dictis audebit, aut poterit. Quæ enim ingenij tanta vis, tantaque copia, vt res eius gestas perstringere, ac delibare, ne dicam verbis exornare valeat? Quis audito tantum magni GUSTAVI nomine, quo nullum vnquam clarius in Orbe terrarum fuit, non trepidet, atq; animo linguatur, etiamsi speciem eius mitem sibi figeret, ponatque ante oculos faciem illam toto Orbe secundam, oris ac corporis dignitatem, etiam hostibus laudatam, auream cæsariem lactea ceruice, genisque fusam, placidam luminum maiestatem, frontis honorem, si priuato contigisset, Imperio dignum, lacertos illos, actores, Imperatorium statum, gradumque, & cunctis agminibus supereminens celsæ proceritatis decus, & reliqua fortuita quidem, sed non

apud vulgustantum valida? Quid si præliantis aspectum trepidè concipiat, concussam terribili motu cæsariem, non tam telorum, quam oculorum, ac minarum coniectum, & vel ante signa volitantem cogitet, vel inter confertissimos hostes, quacumque incederet, stragem, luctum, vastitatem inferentem? Cuius mens, aut cogitatio capere potest illud militaris disciplinae, atque Imperatoriae virtutis simulacrum, in quo omnia summa etiam hostium confellione fuerunt, quique, ut de altero Magno olim dictum est, plura bella confecit, quam alius unquam legit: illum ante Imperatorem, quam militem, extrema pueritia maximi exercitus ductorem, cum Moscis, cum Polonis, cum Danis victoriarum rudimenta ponentem, Germanicisque trophæis Sarmatica Laurum proludentem, non prælio, non acie victum, non stipendijs, sed triumphis

phus emeritum? Quis, si poetarum more loqui licet, Martem hunc Urbicapum, arcium euersorem, ingenti lorica tectum, puluere, ac cruore conspersū, solo quandoque nomine, soloque aspectu armatas acies fugantem, dignè scripserit? Quis belli hoc fulmen, quod vno momento Orbem concussit, perterruit, obstantia perfregit, abscellit? An quisquam titulos omnes, ac triumphos nuncupare, victoriasque numerare ausit, quas ille plures, quam annos, ne dicam menses, numerabat? quas autem, Numinum fidem, victorias? Non de imbelli, ac fugitiuo hoste, non de discinctis Afris, aut seminudo Persa, non de subitarijs copijs, ac collectitia manu, non de tumultuario exercitu: sed de potentissimis, ac bellicosis populis, sed de gente omnium fortissima, ac pugnacissima, quæ Romanis Aquilis imperuia toties

triumphata, nunquam victa, Romanis
toties signis, ac fascibus insultavit: sed de
maximis, atque instructissimis copijs: sed
de florentissimo veteranorum exercitu, tū
maxime fixis in media Hesperia trophæ-
is, victricia arma per Orbem ferente,
cuius manipulares, & virtute, & stipen-
diorum numero ductare legiones pote-
rant, cuius non vnus Imperator bellando
senex factus, & longo fortunæ fauore
victorijs defatigatus, inter decora nume-
rare potuit, hocque fati solatium tulit;
quod Sueco vincente cecidisset.

Quas victorias, non ipsius modo au-
spicijs, ac consilio, sed ductu manuque
partas nullæ vnquam literæ silebunt:
quarum victoriarum non spem solum, sed
fiduciam semper miles eius in certamen
detulit, vsque ad certamen illud, quod il-
li mortalium operum supremum fuit. Nā
& ante satis prouisum erat ne vincerentur,

tur, & in ipso discrimine victoriæ omen,
atque instrumentum Imperator erat, ma-
gnæ animæ penè usq; ad reprehensionem
prodigus, in prima semper acie princeps
pugnam capeffens, vltimus conferto præ-
lio excedens, vitaque repletus, & gloria,
paratus donare Dijs, quod supererat. Ar-
guant vt libet, cunctatores, & cauti hanc
in Imperatore sui vilitatem, Ducesque
suos præliorum aduersis subducant, nec
modo extra teli iactum, sed extra solem
ac puluerem tectorum umbraculis desti-
tuant, vnus contemptus hic mortis, cuius
horam nemo in pace produxit, nemo præ-
uenit in prælio, GVSTAVO tot Vrbes na-
tura, atq; opere munitissimas aperuit, tot
gentes ferocissimas subiecit, tot laureas
peperit. Non enim exemplum modò mi-
lites ad pugnam accendit, sed deside-
rio tam chari capitis penè in furorem
conuertit, vt sui immemores, oppositu
corpo-

corporum, ac nudo latere eum tegerent, cuius spiritu vniuersorum salus trahebatur, qui toties se pro exercitu deuouebat: quot in acie mucrones stringebantur, quot spargebantur ignis ac ferri missilia, sequi maxime beatos fore putarent, si sub teste tanto, ac laudatore spiritum profunderent, atque vitam sibi, Imperatori mortem approbarent, cum is pro singulis lethum laceggeret, pro quo omnes præliabantur. Nam quot ille inuicem seruauit, quot ciuicas priuatus meruisset, à populis, quoscumque adiit, gramineam promeritus, ab reliquo etiam Orbe accepturus, nisi fatorum scelere in ipso procinctu terris subductus fuisset?

Hæc illi flagrantissima militum studia conciliarunt, non vulgata illa reliquis quoque magnis Ducibus vsurpata. Cultus, habitusque haud multum à priuato abhorrens, vt nisi frontis, atque oculorum honos,

honos, quo mortales omnes antequam, Regem proderet, latere posset inter milites suos. Fortuitus ac militaris cibus, breues somni, non silentio, aut molli thoro captati, sed ubicumque naturæ necessitas, nudo cespite cælo opertum Imperatoriū corpus reclinasset. In agmine, in itinere, inter custodias, stationesque, in tentorijs, ac contubernijs, curando, aut exercendo corpore immixtus, sibi, ac prælio exercitum firmans: incorrupta ubique maiestate, incertum, charus magis militibus, an venerandus. Hoc inexorabili disciplinæ severitate profecerat, quam à se primo exigebat, ut nullus ea tempestate meliore, atque innocentiore exercitu vteretur, quem solus continere nouerat, cum se prius contineret: cuius disciplinæ firmamento, immensas hostium copias sæpe parua manu deleuit, cum non solum aduersus homines, sed contra naturæ ipsius vim, ac tempestas

pestatum sæuitiam, cœlique minas depugnaret. Posterī ne credent, cum tot hodie supersint, qui interfuerunt, sub ipsa Arcto, media hieme bellatum esse, per niues prope cœlo immixtas, per solidata gelu ingētium fluminum terga portatum exercitum, æterna glacie obrutis campis traductas copias, atque in ea regione, in qua non testis, ac pellibus, sed luculento caminis, atque hypocaustis ægrè hiems submouetur, non copias modò, ineunte Ianuario ex hibernis eductas, armaque tractata, sed, quod incredibile est, seculisque omnibus inauditum, ac supra omnē humanæ fragilitatis fidem, cum pecora, ac iumēta torrida frigore præsepibus clauderentur, cum feræ ipsæ, ac muta animalia, niuibz congenita, spelæis, atq; antris delitescerent, laxa gelu funderentur, rupesque dissilirent, diu sine tabernaculis, sine tentorijs stridente Aquilone
exer-

exercitum pernoctasse, priusq; naturam
ipsam, cœlumque, & elementa, quam
hostes superasse? Cum interim nulla in
castris seditio, nulla desperatio in vultu
cuiusquam emineret; non gemitus, non
murmur vllum audiretur: cùm Impera-
tor ipse conto innixus, concretarum aqua-
rum vellus, procellas, ac nimbos stillan-
te cæsarie, atque impexa barba excuteret,
pedesque agmen præcedens, irato Ioui,
atque horrendo tumultu ruenti cœlo ob-
niteretur. Cum interim gelu rigentem
exercitum, ac pruinis obrutum, & cum
liquefcentis niuis labetota die luctatum,
appetente nocte, non quies, non tecta,
aut fomenta manerent, non epulæ, me-
rique haustus labentem spiritum reuoca-
rent, sed eodem frigore penè lapideus
panis, sed interdum aqua regelanda, vt
potari posset, sed querenda sub niuibus,
atque alte aperienda tellus, quæ cubile
præbe-

præberet. An quidquam inaccessum, quidquam clausum, atque impenetrabile his hominibus esse poterat, qui se hominesse, hoc est carne, ac nervis compactos obliuisci poterant, nisi plusquam Spartana nobilitate tot cruciatuum sensu hæc illis non tolerabilia modò, sed dulcia quoque virtus effecisset? Hæc omnibus mortalitatis incommodis ac pestibus maior tolerantia, atq; aduersus quidquid terribile natura habet, indomita, obstinata fides, Germaniam ingentibus exercitibus, validissimis oppidis munitam, nec Alpibus tantum vallatam, fluuiisque disseptam, sed suo armatam fidere, sua pugnans hieme aperuit, milesque inedia, algu, vigilijs inuictus, Arctoas gentes suo frigore debellauit.

Qua militari disciplina, & disciplinæ magistra paupertate effectum est, ut longa laborum assuetudine, non frigus modo,

do, atque in ediam milites facilius tolerarent; ac fortius, sed opum, ac voluptatibus rudes, nihil appeterent, præter mortem; quam honestam vitæ inopi, atque ærumnosæ anteferebant: quaque tot mala, atque incommoda effugere properabant: hinc pereundi, fatisque manum iniiciendi dulcedo, impetusque ruendi in ferrum, leuisque semper animatum iactura. Et cum hostis abditus hibernis segne otium terret, solisque hospitibus metuendus, hiemem, quam longa est, luxu, ac rapinis foueret, prædæque, ac scortis implicatus, cunctatior ad pugnam, tot vitæ pretijs, ac blandimentis quotidie fieret, mortemque ac vulnera reformidaret, Suecum militem voluptatibus insuetum, cupidine intactum, anni, cœlique iniurijs dies, noctesque expositum; naturæ desideria parce, ac maligne sedantem, nemo iratum, nisi armatæ acies sensere; cumque in hostili solo nusquam

quam incolis grauis, modesto ac pacato agmine incederet, nec manus tantum, oculos, sed cupiditates cohiberet, annona pretio pararetur, vltro à populis inuitabatur, qui sociorum hiberna, non hiemis, sed auaritiæ, sed libidinum perfugia, nullis rapinis expleta, nullis stupris satiata, hostili incessu posthabebant, & cruentam pacem vel bello bene mutabant.

Iam vero in semper bellatore quis pacis artes, illasque ex ciuilibus, ac militaribus mixtas mente assequi, ne dicam oratione complecti queat? Vigorem illum, celeritatemque igne quodam volucrum, inusitatam, inauditamque clementiam, mansuetudinem in victos, in omnes liberalitatem, literarum cultum plusquam Regium, dicendi copiam, ac grauitatem: quæ tibi reliquit ex asse. Itaque aut tu sola, AVGVSTA, laudare parentem potes, aut nullus.

nullus. Non enim optimarum modo artium, ac studiorum faulrix, & propagatrix es, sed in hoc sexu in summo rerum culmine, tam vasti Imperij mole, tam lata terrarum, ac maris ditione, mira ingenij fecunditate, ac sublimitate capaci, omnium quę cœlo continentur, tantum literis, atque omni studiorum varietate profecisti, ut rite atque ex æquo ferre laudibus patrem possis, ipsa a nullo satis unquam laudari. Magni genitoris non imago solum, ac mens, sed humani lovis vertice edita Virago, casside, ac frama hostibus metuenda, paternis trophæis extremam manum imposuisti, ac liberato Orbe, postquam pacem gentibus etiam inuitis dedisti, constituto Imperio, ad pacis studia conuersa, excogitasti, quo modo non patrem tantum referres, sed ingentium rerum fulgorem adæquares, ac vinceret, & beata quadam dicendi copia,

C

pia,

pia, atque vbertate, G V S T A V I memori-
am in vltimas vsque terras porrigeres, vt
quò victricia illius signa non peruenissent
scriptorum tuorum gloria penetraret, & si
quando monumentis eius suprema dies
immineret, ingenij tui vi ab obliuione
vindicarentur. Tu igitur penè sola, di-
gne patrem celebrare potes; te quis aude-
at? Tanta quidem nominis tui Maiestas,
ac virtutis veneratio est; vt nihil laudibus
tuis cuiusquam oratione accedere possit,
cupisque ipsa in primis bene facere, quam
audire. Reipublicæ tamen literariæ, se-
culi, & omnium qui literas colimus, ip-
siusque posteritatis interest, vt ingentia
tua in artes, ac disciplinas merita quomo-
documque posteris prodantur, etiam si
nullum inde tibi gloriæ incrementum
prouenire possit: cùm grati animi causa,
quem satis est etiam Dijs ipsis indicare,
cùm incitamento Regibus, ac Principi-
bus

bus, quibus tu hic in parte vix ullam laudem reliquisti, si quando iacentes literas, ac destitutas respiciant, & prouectis studijs, sibi famæ securitatem in posterum prospiciant.

Neque metus est, ne à me quidquam dari auribus tuis credatur, recepto iam more summis capitibus assentandi; siue necessitate, postquam metus, atq; ærumnæ penè hanc arcem prostituere; siue ambitione, clausis fermè auribus adstrependo, pari apud dominantes literarum ac gloriæ neglectu. Nos enim quo simplicius, eo verius ea leuiter percurrimus, quæ in ore famæ, in publica luce, in humani generis conspectu, in oculis gentium, attonitis omnibus, & vix sibi credentibus aguntur. Res tuas cuncti mortales nouere, non ea modo, quæ in excelso aetatem degentibus latere non possunt, sed etiam quæ intra parietes, ac veluti in

ipsis adytis, quando in te ipsam recedis,
ac deposita tantisper tantæ fortunæ mole,
tibi ac Musis meditaris, foras erumpunt,
& sese strenuè vindicant. Et nos in dis-
iunctissimis terris degētes, interfusō Ocea-
no, iugisque montium dissociatos, nulla
necessitas, aut pretium ad dicendū com-
pellit, atque in hac sede libertatis toto
Orbe profugæ, animus sui iuris, omniq;
ambitu vacuus, non nisi ingentium faci-
norum admirationi obstrictus est, solam-
que audacię culpam hoc vno deprecatur,
quod tecum de communibus studiis, non
cum fortuna tua loquitur. Itaque vel in-
uite ibi laudestux etiam ab ignotis au-
diendę sunt, quas alioqui nobis silenti-
bus gratulabundus Orbis tibi ingerit; at-
que à pudore tuo impetrandum est, vt fa-
ma tui innocenter fruaris; nobisque pro-
videndum, non tam quid nos dicere de-
ceat, quam quid aures tuę patiantur, qui

tametsi multa magnaue dixerimus, eadem de alio dici non posse profitemur.

Ingens profecto laus, & cum paucis comparanda, studiorum laboribus, ac literarum commendatione parata: sed ætas tua, sed sexus, sed fastigium eam admirabiliorem omnique humana fide maiorem reddunt. Hoc inuentę flore, tot in literis progressus dedisti, ut viros exacta per literas ætate prouocare possis: summa præterea rerum omnium potestate, ac licentia eas tibi in studijs vigilias, ac contentiones indixisti, quasi iis ad struendam tibi fortunam opus esset: ipsas quoque naturæ leges, ac sexus imbecillitatem supergressa, tanto virorum laudes excessisti, quanto admirabilior semper in muliere virtus visa est. Magnum est, penè ab infantia literis innutriti, Musarum lac ab ubere haurire, scripta pro crepundijs tra-

Atare, nullam dulciorem nēniam Vatum
carminibus habere: sæpius de Magistri,
quam de nutricis collo pendere, reptare
per libros, Latina verba balbutire. Ma-
gnū, pueritiā non alio ludo, quam
literario exercere, adolescentiā inter
magne fortune, ac literarum medita-
menta partiri, à Præceptore in Curiam,
viuidam indolem Patrum oculis ingere-
re; publicas curas studiorum amœnitate
temperare, in cubiculo dictata accipere,
in Senatu scribere, illic audire, hic loqui,
Magistrorum dicto audientem esse, Prin-
cipibus imperaturam. Magnum quidem:
sed & alij occurrent fortasse non pauci,
queis præcox ingenium, & festinata indo-
le ante annos disciplinarum capax na-
tura benignior indullit.

Mulieres omnes intempestiva, ne di-
cam inuida virorum censura, non modò
publicis muneribus arcuit, sed veluti ex-

tra

extra naturam proiectas, à gubernaculis
Ciuitatum, atque ab omni doctrina ex-
clusit, ac repulit, pensisque, & quasillo
addictas in Gynecæum quasi in ergastu-
lum detrussit, ac compegit. Vt non effu-
gerint olim Romanę satyrę aculeos Ma-
trone, quę literis deditę essent intempę-
rantius, quasi fugerent à sexu, virorumq;
tam studia imitarentur, quam vitia: quę
historias omnes euoluerent, quę in libris
intelligerent omnia. Cum natura suos fi-
nes, ac modos ytrique sexui statuisset vi-
deatur: vt quemadmodum literas, atque
arma viris tractare, ita colum, ac telam
curę fœminis esse, ius fasque esset. Itaq;
cum ijs viris male actum putarunt, qui-
bus erudita matrimonia contigissent,
cum se nulla satis formosam crederet, nisi
quę de Romana Gręcula facta esset, non
artem modò Palæmonis vsque in mariti
contumeliā edocta, sed siderali sciens

tia, arcanisq; factorum imbuta impensius quam necesse esset probe. Quam sexus iniuriam, atroxque & iniquum iudicium, tot castissimis, ac fortissimis exemplis ventus, ac recens etas rescidit, & vel tu sola, AVGVSTA, antiquis Sabinis preferenda, quę virilibus curis, & studiorum sanctitate omnia fœminarum vitia exuisti, satis superq; abrogasti. Nam referre hic, quemadmodum equitate, & clementia, reliquisque regnandi artibus, breui effeceris, vt Patris memoria in te minimum momentum ad conciliandum populorum fauorem fuerit, vtque minime desiderabile virorum imperium reddideris, esset iniuria tantę maiestatis.

Sit igitur quàm legitimum, tam rarum atque admirabile in hoc sexu, doctrinę & eruditionis exemplum, callere literas omnes, ac reconditas artes, nullius scientiæ expertem esse, omnium penè gentium
linguis

linguis loqui, Latina promptius, quam
materna uti, Græcæ discendæ tædium
æquo animo vorare, scribendi lepore,
ac venustate assurgere, virosque, qui hoc
vnum tota vita egerunt, in contentionem
vocare, nectam laudanda facere, quam
scribere: carmen sani coloris funderè,
gentium mores, Principum ingenia, lo-
corum situs cognitos habere: de abditis re-
rum causis grauitè, de Republica sapien-
ter disputare, Imperij leges, arcana Domi-
nationum non tantum in Senatu expen-
dere, castitate, ac mansuetudine cum
fœminis, ingenio, atque eloquentia, cum
viris decertare. Sed non vna laudanda-
rum artium studio, memoriam apud po-
steros merita & olim reperta est, & nunc
in Belgio sexum, & seculum virgo priua-
ta nobilitat, capaci ingenio scientiarum
orbem complexa, vsque in certamen
summorum virorum, eorumdem præco-
nio

nio nobilitata.

Quare illud iure maximum videri potest, & penè sine exemplo, quod Regia fortuna, ac Dijs proxima potestate, non literis modo aures, ac patrocinium commodaueris, sed iis penitus addicta, pari cura eas, atque Imperium complectare, vt penè incertum sit, plusne populos tuos ames, an studia: hæc certe pluris quam salutem facias, quam tot laboribus, ac vigilijs sæpe in discrimen adducis. Non defuere tamen aliquando Reges, qui aut studia fouerent, aut Sceptris, & Solio literarum fulgorem circumfunderent: pauci illi quidem, hoc ipso magis laudandi, quando magna olim Regnantium pars, fugatis, aut interfectis viris doctis, ipsam excindere sapientiam optauere. Scilicet, cum laudanda facere desijssent, etiam laudum instrumenta consumpserunt, omni posteritatis memoriæ, ne secus fa-

ſta noſcitantur, inſenſi; nequicquam
intercepto ſcribendi, ac loquendi com-
mercio: cum hæc vis, quæ premit, inge-
nia, exſerat, obſcurique interdum viri,
& umbratici, ſupremas Potēſtates apud
poſteritatem in ius vocent, ferantque ipſi
ſententiam, validam, & duraturam. Ita-
que mitiores alij, quod non literas peni-
tuſtollerent, ſed ſcholarum ergaſtulis
ſqualere paterentur, imputarunt; cum
non Reges modo, ſed Regum mancipia,
ſed hominum mendicabula, ſed ipſa ſer-
uiens nobilitas magnæ fortunę argumen-
tum putet literas ignorare. Ut olim, (nā
quid hodie fiat quærere, priuato illicitum
eſt, atque intutum,) ſi vnus aut alter vel
amcrem ſtudiorum ſimularet, vel inter
otij oblectamenta eruditionem admitte-
rēt, vel bona fide literis facilem animum,
atque aurem accommodaret, maius por-
tentum viſum ſit, quam ſi terra mouillet,
aut

aut de cœlo lapidatum esset, & quęcumque maioribus hostijs expiabantur.

Tam priuatę igitur mulieres multa doctrina excultę, quam viri Principes fuere, qui bonis artibus, aut propitij, aut non infensi vixere. Sed Regina Virgo, quę primęuo ætatis flore, iustius viris, ac fortius Imperium in viros exerceat; quę non studia modo magnifice prouehat, sed inter regnandi instrumenta, inter oblectamenta vitę interioris adsciscat, atque omni eruditione exsuperet viros, non alia quam tu, A V G V S T A, in tota antiquitate occurrit, eademque vnicum, ac singulare omnium seculorum exemplum viuīs. Non enim imperitantium more doctrinam ostentas, aut simulas, sed seuerā lege proficiens, toto pectore in studia exarsisti, & cum Regia Fortuna aliud suadere, ætas & sexus excusare posset, tam pertinaci contentione, totque laboribus

incu-

incubuiſti, vt quantum Pater dura, & antiqua militia Reges omnes, ac Duces ſuperauit, tu in opere literario, atque erudito puluere, etiam priuatos, quibus ea ſola cura eſt, longe poſt te reliqueris. Nam ſi quis immenſas Imperij vires, & incipiente iuuenta cuncta regendi onus animo reputet, vix fieri poſſe putet, vt vacauerit aliquando tibi libros aſpicere: contra, qui ſapientiam tuam, qui eloquentiam, qui ſtudium antiquitatis, qui promptum ad omnia ingenium, ac veluti in numero cogitauerit, credere cogatur, te in literis conſenuiſſe, vixque ſuperare tempus potuiſſe, quo Regni curis, ac populorum alloquio vacares.

Et licet in altitudinem ſtudiorum condita in reſeſſu Muſis opereris, laboresque tuos veluti ſipario vulgi oculis ſubducas, latere tamen non potes: nam exercitati vultus maietas, & virginali rubori erudi-

rūs pallor infusus, virtutis tinctura, ac vi-
 gilatis noctibus, iuuentæ flos languens,
 lapsæque genæ produnt secreta Musarum,
 ac noctium. Nam cum totos fere
 dies dare te populis soleas, in Senatu quo-
 tidie rerum maximarum consilia in serū
 extendas, tot Regum, ac populorum lega-
 tionibus conueniaris, de bello ac pace de-
 liberes, tot fidissimis, ac fortissimis exerci-
 tibus, tot classibus prospicias: non arx,
 non oppidum sedulitatem tuam effugiat:
 labentem morum disciplinam repares,
 nouisque legibus vincias, constituendis
 iudicijs; comprimendæ libidini, propa-
 gandæ soboli incumbas; nil tibi iam reli-
 quum est, quam vt noctent studijs vindic-
 ces, ac tenebras partiaris; cadentes ocu-
 les in opere contineas, & somnum cum
 valetudine computes: atque vt magnus
 olim Orator fabris inuidebat, quorum
 antelucana opera vinceretur, sicut A v-

GUSTA, haud secus ac materfamilias
paupercula, quæ vitam colo tolerat, lu-
cem anteuertit, noctemque operi addens,
lumen ad exiguum lucubrantēs ancillas
penso exercet, intempesta nocte corpus
puluinari deripis, & tota stertente Aula,
cum pro omnibus excubes, affixa pluteo,
Mineræ peruigilium colis: & vel sola
cum eruditis mortuis versaris, vel sapien-
tiæ Magistros adhibes, quos interdum vi-
gilare cogis inuitos: & cum alij studiorum
defatigationem ludo, aut quiete remit-
tant, tu ab Imperij curis ad literas tan-
quam in portum diuertis: nectam cessa-
tione laboris, quam mutatione leuaris,
numquam minus otiosa, quam cum fe-
rias resides, tunc etiam posteritatis nego-
tio intenta. Hic tu seria frontis explicas,
hic inter libros sapientissimè resides, hic
castos iocos, salesque innocuos, salua
maiestate admittis.

Sunt

Sunt quædam ipsis Regibus lenimenta laborum, curarumque laxamenta, simul & rei militaris simulacra, venatu saltus agitare, indagine silvas cingere, ferarum cede gaudere. Hoc tibi quandoque otium, quo nescio, an aliud laboriosius sit, AVGVSTA, indulges, ut etiam eò magnum Parentem emuleris: sed ita venationem exerces, ut interim nobiliori capturę intenta sis, & sic Dictynnam sequeris, ut nusquam à Minerva recedas. Nam postquam dispositæ plagæ, postquam multo latratu nemora sonuere, dum feræ morantur, tu reclinis in gramine, cubito innixa, per amœna Musarum vireta animo spaciaris, præstò sunt stylus, & pugillares, ut quod olim ille Consularis Principum laudator, si præda vacuas manus, saltem plenas ceras domum reportes. Exsonat interim nemus, & multo clamore subsessa erumpit, agricolis, ac canibus formida-

ta

ta bellua: eam tu venabulo subistis intrepida, seque ultro morti ambitiose offerentem manu tua dignaris. Non semel differs id gaudium, paterisque facilius e manu prædam, quam librum elabi, tuisque negotium id mandas, credo ut sic assuescas, & hanc quoque voluptatem, quam tibi ex omnibus reliquisti vnam, nouissime exuas, & omnia vitæ blandimenta literis posthabeas.

Vereor ut hoc quod dicam non perinde intelligi possit, atque ipse cogitans sentio; trepide tamen, atque hesitabundus dicam. Etiam legitimas tædas hætenustibi interdixisti, votisque populorum, ac penè conuicio optatos Hymenæos, tot vota Regam, quibus posteros debes, iura sanguinis, spem successionis, dulce Matris nomen, & futuros Reges aspernata, nonnisi Pierides puellas in castissimum cubile tuum induxisti, ut seruatum in

omne æuum virginitatis decus ferres, & ne legitimis quidem amplexibus, atque educatione liberum, nouisque curis, & gaudijs à susceptis semel studijs auocare-
 ris; parata etiam Sceptrum ipsum, ac Diadema donare Musis, si tam salui sine te esse possent populi, quam tu priuata. Immo quantum inte est, iam Regnum donasti, cum maximo Principi Imperium, quam te ipsam tradere maluisti. Vt nobile ingenij tui commentum, non sine quodam gaudij impetu recolam. Nam cum Princeps ille, de quo dicebam, idēque Imperator fortissimus, Regia stirpe, ac forma, & propinqua cognatione, solus tot Regum precatu dignus, coniugij tui spem visus non improbe fouere, chorearum licentia, ac festo saltatu amores suos, castumque Cupidinem, non vna imagine, velut in scenam produxisset, illico, etiam in re ludicra minime studio-
 rum

rum oblita, lepidò, sed erudito argumen-
to lusisti, cum victum Musarum manu
Cupidinem, solutum arcum, fractas sa-
gittas, extinctas faces, amantis, Aulæque
oculis subjiceres. Sed hæc quorsum eua-
dant Dijs Regni præsidibus curæ erunt:
nobis in ea audacius inquirere religio est.

Et mirabitur quisquam, aut in osten-
tationem Regiæ magnificentiæ factum
putabit, ut in toto Orbe nullus tam sit lite-
rarum, ac monumentorum fama conspi-
cuus, qui in comitatu tuo non conspiciat-
ur, qui non aut sponte tibi sacramentum
dixerit, aut amplissimis tuis præmijs in-
tantam fortunam non sit euocatus? Ex
omnibus Academijs, ex omni doctorum
cœtu, ex omni penè terrarum angulo Au-
lam tuam, nouum hac tempestate Pryta-
neum celebrant: nullisque rei familiaris
incommodis, aut curis auocati, optima
fide immortalitatem negotiantur. Scili-

cet ingenia tam fouere , quam estimare
nouisti, suisque momentis expendere: &
ideo foues, quia iudicasti. Nullo cog-
nitor, aut suffragatore tibi innotescant,
ante ibi expetiti, quam se cognitos ne spe-
rare quidem auderent. Quantus Dij De-
que eorum stupor, & infelicitas, quorum
laudes si Latina oratione prodantur, me-
tuere possunt, ne sibi inscitia, ne socordia
obiectetur. Tu parcè, ac modestè laudi-
bus tuis frueris, ad quas intelligendas non
est tibi opus interprete, quæ si doctos non
inuenisses, tamen facere poteras. Nec
vnus modo, aut alter solo ingenij censu
Aulæ Principibus adnumeratur, auideq;
exteriorum oculis quæritur, sed circa te
doctorum populus est, dumque literas, ac
disciplinas per Orbem proleminas, inge-
niji Orbem spoliasti, vt facilius sit in tan-
to seruentium grege eruditum, quam ho-
minem inuenire. Nullus tamen nume-
rum

rum facit, cum quilibet horum solus, vel
aliam Regiam nobilitare possit. Viri in
omni doctrinarum genere summi, capi-
ta libros omnes, ac scientias peruagata,
exoticarum linguarum, totiusque antiqui-
tatis peritia, duraturisque æternum mo-
numentis seculo maiores, qui olim nomi-
nabuntur, nunc intelliguntur; ut iam vel
ex sola familia quanta sis æstimari possis.
Hos tu alloquio, & obuia etiam ignotis
comitate tibi obstringis, opimis congiari-
js ditas, labore prouocas, æmulatu ac-
cendis, & ad bene de posteritate meren-
dum inflammas: denique scribendi exem-
plum, & materiam suppeditas. Iure igitur
tanto ingeniorum prouentu, totque li-
terarum Heroibus, nouis istis Athenis,
nouum Peplum tibi sanctiori Mineruæ
contexti potest, quod Panathenaicis tuis
præferatur. Nos his Sacris silentium præ-
stabimus. Et cum nobiliore hac pompa
Germa.

Germani, Galli, Bataui, Angli, & si non
fastidis Itali laudibus tuis defatigentur, di-
uersisque linguis, ac dissono plausu no-
mentum ad sidera vocent, vox tamen
populorum sonat vna, qua SVECICA
PALLAS, Musarum decima, Regnan-
tium prima, Gustavi Soboles, Patriæ Se-
natus, ac Castrorum Mater, literarum,
ac disciplinarum certissima Salus, ac mi-
raculum prædicaris. Dixi.



1063 15
2

1063.15

1003115



